

NAQQIUT

UKA2021/131-mut

ILANNGUSSAQ “Kingornussisarnermik inatsisip, aappariit pigisaasa agguarnerat pillugu inatsisip, toqusup pigisaasa agguarneqarnerat pillugu inatsisip aamma eqqartuussisarnermik inatsisip, akiliisinnaajunnaarneq pillugu inatsisip, eqqartuussivikkoortumik nalunaarsuineq pillugu inatsisip, aappariinnerup inatsisitigut sunniutai pillugit inatsisip kiisalu inatsisit allat allanngortinneqarnerisa (Toqusup pigisaasa agguarnerat pillugu inatsisip malitsigisaanik allannguinerit) Kalaallit Nunaanni atuutilersinneqarnerannik peqqussutissatut missingiummut Namminersorlutik Oqartussat isumaqataanerat pillugu Inatsisartuni aalajangiiffigisassatut siunnersuut“:

“Aappariit pigisaasa agguarnerat il.il. Kalaallit Nunaanni atuutilersinneqarneranik peqqussut”-mmik taarserneqarpoq

(Peqqussummi §§ 2-mi, 8-mi, 83-imi aamma 87-imi naqqiisoqarpoq. Naqqiinerit innersuussutinut tunngassuteqarput. Inatsisitigut periarfissaliissuteqannginnera pissutigalugu § 83 peerneqarpoq)

Ulloq: 3. juni 2021
Allaffik: Nordatlantkontoret
Suliarinn.: Julie Christine Gade
Mikkelsen
Suliaq nr.: 2017-490-0004
Dok.: 955337

Uunga

MISSINGIUT

Aappariit pigisaasa agguarnerat il. il. pillugit inatsisip Kalaallit Nunaanni
atuutilersinneqarneranik peqqussut

UAGUT, MARGRETHE AAPPAAT, Guutip Saammaassineratigut Dan-
markip Dronningia, nalunaarpugut:

Aappariit pigisaasa agguarnerat il. il. pillugit inatsit nr. 594 14. juni 2011-meersumi § 88ⁱ
malillugu aalajangersarneqarpoq inatsit Kalaallit Nunaannut atuutilissasoq imatut oqaaser-
talerlugu:

Kapitali 1

Eqqartuussiviup piginnaatitaanera

Suliamik piginnaassuseqarneq

§ 1. Kalaallit Nunaata Eqqartuussiviata suliat suliarisarpai

- 1) aappariit ataatsimut pigisaasa agguannissaat, aappariilernermi pigi-
sat nassatat amigartuugarluarpataluunniit,
- 2) aappariit pigisaat immikkut ittut arlallit ataatsimut atorunnaarsinnerat,
- 3) aappariinnani najugaqatip ataatsimut pigisanut arlalinnut pigisaasa na-
jugaqatigiinnerup atuukkunnaarnerani atorunnaarnerat aamma
- 4) pigisat allat, tassunga ilagitillugit soqutigisaqatigiinnikkut pigisat
assigisaallu, akiliisinnaajunnaarneq pillugu malittarisassat malillugit
suliarineqanngitsut atorunnaarsinnerat.

Imm. 2. Suliat imm. 1-imi taagorneqartut tunngatinneqarsinnaapput pigi-
sat ilaannut.

Imm. 3. Kapitali 2-mit 5-imut ilanngunnagit §§ 10 aamma 44 assinganik atuutissapput suliani imm. 1, nr. 2-miit 4-mut taagorneqartuni.

§ 2. Kalaallit Nunaata Eqqartuussiviata suliarissavai suliat ataasiakkaarlugit isumaqatigiinngissutit pilersut pigisat § 1 imaluunniit aappariit ataatsimut pigisaannit nammineq pigisat aamma ataatsimut pigisani immikkut pigisat nalillit, tassunga ilagitillugit tunngassuteqartut

- 1) pigisani pigisanut nalillit aamma aningaasat namminerisat naatsorsornerinisa agguarnerinut,
- 2) aappariilernermi nassatat naatsorsorneri aamma taakkua ilaat pigisat agguarnerannut ilaasussaapata,
- 3) akissarsiassanik piunasaqaatit, tak. aappariinnerup inatsisitigut sunniutai pillugit inatsisip nr. 150, 31. marts 1993-imeersup Kalaallit Nunaanut atuutilersinneqarneranik inatsimmi § 23,
- 4) (Kalaallit Nunaanni atuutilissanngilaq).
- 5) immikkut pigisat killilernerat aamma
- 6) immikkut pigisat pillugit taarsivigineqarnissamik piunasaqaatit, tak. § 67.

Imm. 2. Kalaallit Nunaanni Eqqartuussiviup aammattaq aappariit akornani suliat immikkoortut suliarisarpai

- 1) tak. § 67, aamma
- 2) aappariit pigisaasa agguarnissaannik pigisanik nalilersuineri isumaqatigiissutaasa sumiginnarneqarnerat, allanngortinnerat aamma nassuiaasiornerat.

Imm. 3. Katinnikut pigisat avinnissaannut isumaqatigiissutaat allanik aamma imaqarpat, tak. Imm. 2, nr. 2, taava Kalaallit Nunaata Eqqartuussiviata taakku itigartitsissutigissavai.

Imm. 4. Suliat imm. 1-imi 2-milu taaneqartut pinerluttulerineri inatsimmi, saqitsaannermik suliassanut malittareqqusat malillugit ingerlanneqassapput, taamaattoq tak. § 5. §§ 68 aamma 72 taamaaqataanik atuutissapput.

§ 3. Inatsit atuutinngilaq, toqusut pigisaasa kingornunneqartussartaasa nalunaarsorneqarnerannut agguannerannullu imaluunniit aappaasup inuunertunerup pigisat ilaannit pigisaasa kingornussassat agguanneqartussallu tunngasortaannut, tassunga ilagitillugu pigisat kingornusnaanatillu agguanneqartussanngitsut, taassuma inuugallarnerani.

Nunani tamalaani piginnaatitaaneq

§ 4. Pigisat kingornussassat nalunaarsorneqarnerlutillu agguaannissaannut § 1 malillugu noqqaassut tunniunneqassaaq Kalaallit Nunaanni Eqqartuussivimmu, aappariit arlaat Kalaallit Nunaanni najugaqarpat.

Imm. 2. Aappariit minnerpaamik arlaat Kalaallit Nunaanut attuumassuteqarpat, aappariit isumaqatigiingissuteqarunik, isumaqatigiissutigisinnavaat pigisanik kingornussanik nalunaarsuinissamut agguaassinissamullu noqqaassut Kalaallit Nunaanni tunniunneqassasoq.

Imm. 3. § 1, imm. 1, nr. 4 malillugu ataatsimut pigisanik kingornussasanilluunniit nalunaarsuineq agguaassinerlu, imm. 1 aamma 2 apequtaatinagit, Kalaallit Nunaanni Eqqartuussivimmu suliaassanngortinneqarsinnaavoq, ataatsimut pigisanik piginneqatigiittut eqqartuussisoqarfiata najugaa tamaaniippat.

Imm. 4. Noqqaassuteqarnikkut pigisat ilaat Kalaallit Nunaanniittut, maani suliaassanngortinneqarsinnaapput, pigisat nalillit pineqartut nunani allani nalilersorneqarneranni ilagitinneqanngippata.

§ 5. § 2, imm. 1 malillugu suliat aappariit ataatsimut pigisaanni nammineq pigisanik imaluunniit ataatsimoorullugit pigisani immikkut pigisat nalillit arlallit, Kalaallit Nunaanni suliarineqarsinnaapput § 2, imm. 2 malillugu, aappariit arlaat tamaani najugaqarpat.

Imm. 2. Ikinnerpaamik aappariit arlaat Kalaallit Nunaannut attuumassuteqarpat, aappariit isumaqatigiingissuteqarunik, isumaqatigissutigisinnavaat suliaq Kalaallit Nunaanni suliarineqassasoq.

Sumiiffimmi piginnaatitaaneq

§ 6. Pigisanik kingornussasanilluunniit nalunaarsugaallutillu agguaanneqartussanik suliaqarnissamik noqqaassut § 1 malillugu Kalaallit Nunaanni Eqqartuussivimmu suliaassiissutigineqassaaq.

Imm. 2. (Kalaallit Nunaanni atuutissanngilaq).

Imm. 3. (Kalaallit Nunaanni atuutissanngilaq).

§ 7. (Kalaallit Nunaanni atuutissanngilaq).

§ 8. (Kalaallit Nunaanni atuutissanngilaq).

Kapitali 2

Ataatsimut pigisat agguaannissaannut eqqartuussivimmiinneq

Agguaassinermut ikiorneqarnissamut noqqaassut

§ 9. Kalaallit Nunaanni Eqqartuussivimmuut ataatsimut pigisat agguaan-nissaani ikioqqulluni noqqaassut imaqaassaaq aappariit aqqinik, najugaanik, ullunik inuuiinik aamma ajornanngippat inuttut normunut uppersaatinik, taakkununga ilanngullugu § 10-mi piumasaaqatip naammassisimaneranik uppersaat.

Imm. 2. Noqqaassummi imm. 1-imi piumasaaqatit naammassineqarsi-manngippata, Kalaallit Nunaanni Eqqartuussiviup suliassaq itigartitsissuti-gisinnaavaa.

§ 10. Ataatsimut pigisanik agguaaasinnermut ikiorneqarnissamut noqqa-assut siusinnerpaamik tunniunneqarsinnaavoq, averusernissamut imaluun-niit avivinnissamut noqqaassut Kalaallit Nunaanni Naalagaaffiup Sinniiso-qarfianut imaluunniit najukkami eqqartuussivimmuut tunniunneqareerpat, imaluunniit pigisat immikkoortinnissaannut peqqussut eqqartuussutikkut nalunaarutigineqareerpat imaluunniit aappariinnerup atorunnaarnissaa eqqartuussutikkut suliassiissutigineqareerpat.

Ataatsimiinnissamut aggeqqusissut

§ 11. Kalaallit Nunaanni Eqqartuussiviup aappariit sapinngisamik pina-suartumik ilitersuinnermut isumaqatigiinniarnermullu aggersassavai, imaas-simanngippat ataatsimiinnissaq ilimaginngisamik pisariaqarunnaarsimasoq.

Imm. 2. Aappariit ataatsimiinnermut inuttut najuutissapput, imaassi-manngippat, ileqquungitsumik Kalaallit Nunaanni Eqqartuussivik allatut aalajangiisoq.

§ 12. Aappariit kingusinnerpaamik ataatsimiinnissaq ullut 7-inik sioq-qullugu paasissutissanik tunniussissapput pigisanik kingornussanillu nalu-naarsukkanillu agguaaasinnermut pingaarutilinnik, aappaasup pigisai nam-minerlu aningaasaataasa annertussusiannik taakkualu nalingisa missinger-neranni apeqqutit suut isumaqatigiinngissutaanersut pillugit.

Imm. 2. Paasissutissanik tunniussisoqanngippat imaluunniit amigartu-mik tunniussisoqarpat Kalaallit Nunaanni Eqqartuussiviup paasissutissat pisariaqartitat pisortanit piniarsinnaavai.

Ataatsimiinnissamut agginngitsoorneq

§ 13. Aappaasoq ikiorneqarnissamut noqqaasimasoq ataatsimiinnissamut agginngitsoorpat, Kalaallit Nunaanni Eqqartuussiviup suliassaq itigartitsissutigisinnaavaa, imaassimangippat aappaasoq, suliame illuatungiliutuusoq aggersimasoq suliarlu ingerlatiinnaqqullugu.

Imm. 2. Aappariit tamarmik agginngitsoorpata Kalaallit Nunaanni Eqqartuussiviup suliaq unitsissavaa.

Imm. 3. Kalaallit Nunaanni Eqqartuussiviup immikkut ittumik aappaasup aggingitsoornera paragrafimi matumani sunniuteqanngitsissinnaavaa. Tamatumanimi isiginiarneqassaaq inatsisunik tunngaveqarluni agginngitsoortoqarnersoq imaluunniit ilimagineqartoq tunngavissaqarluni utoqqatsisuteqartoqartoq.

Eqqartuussiviup piginnaatitaaneranut akerliliinerit

§ 14. Kalaallit Nunaata Eqqartuussiviata piginnaatitaaneranut akerliis qarpat, tassunga ilagitillugu pigisat isumaqatigiinnikkut agguarneqareersimanerannut imaluunniit allatigut, Kalaallit Nunaanni Eqqartuussivik uppernarsaateqareerluni taamanna pillugu aalajangiissaaq. Aalajangerneq tunngavilersukkamik aalajangiinerussaaq.

Siunnersuilluni isumaqatigiissitsiniarlunilu ataatsimiinneq

§ 15. Kalaallit Nunaanni Eqqartuussiviup ataatsimiinnermi ersersissavaa paasissutissat pisariaqartut aappariit pigisaannik nalilinnik namminerisatullu aningaasaataannik peqartoqarnersoq, aamma apeqqutit suut aappariit isumaqatigiinnngissutigineraat.

Imm. 2. Kalaallit Nunaanni Eqqartuussiviup pisariaqarnera malillugu pigisat agguarneranut malittarisat ilitersuutigissavai aappariit ikiorlugit tamanna pillugu, isumaqatigiissutissap naammaasiniarnerani nangaassutigineqanngippat tamanna.

Imm. 3. Kalaallit Nunaanni Eqqartuussivik qaqutigunnaq ataasiarluni arlaleriarluniluunniit ataatsimiitsitseqqissinnaavoq. § 11, imm. 2, aamma § 13 assinganik atorneqassapput.

Uppernarsaaneq

§ 16. Uppernarsaassummik pisariaqartitsineqarpat Kalaallit Nunaanni Eqqaartuussivik noqqaassuteqartoqarneratigut tamanna pillugu aalajangiisinnaavoq.

Pigisanik nalilersuisumut innersuussineq

§ 17. Kalaallit Nunaanni Eqqaartuussiviup suliaq pigisanik nalilersuisumut innersuusstutigissavaa, aappariit tamanna noqqaassutigippassuk. Taamaattoqanngippat Kalaallit Nunaanni Eqqaartuussiviup suliaq unitsissavaa.

Imm. 2. Qularnaveeqqusiineq pillugu § 37 atuuppoq.

Kapitali 3

Ataatsimut pigisat nalilersuisartumit suliarineqarnerat

Nalilersuisussamik toqqaaneq

§ 18. Suliaq nalilersuisartumut innersuunneqarpat, Kalaallit Nunaanni Eqqaartuussiviup toqqassavaa nalilersuisartuq akuerisaasoq pigisat nalilersornisaannik isumaginneqqullugu. Aappariit kissaatigippassuk nalilersuisartuq akuerisaq aalajangersimasoq, Kalaallit Nunaanni Eqqaartuussiviup taanna naliginnaasoq malillugu toqqassavaa.

Imm. 2. Kalaallit Nunaanni Eqqaartuussiviup akuerisinnaavaa aappariit isumaqatigiillutik nalilersuisartuq akuerisaanngitsoq toqqassagaat, tamatumunnga immikkut tunngavissaqarpat.

Imm. 3. Pigisat nalilersorneranni aappariit isumaqatigiillutik allamik naliliisoqarnissaa kissaatigippassuk pissutsinullu tamanna naapertuuppat, Kalaallit Nunaanni Eqqaartuussiviup imm. 1 aamma 2 malillugit nalilersuisusaq nutaaq toqqassavaa.

Imm. 4. Nalilersuisusaaq toqqagaasoq pisinnaajunnaarpat, imaluunniit pigisanik nalilersuinissamut piumasaqaatinut naleqqukkunnaarsimappat, Kalaallit Nunaanni Eqqaartuussivik imm. 1 aamma 2 malillugit nalilersuisussamik nutaamik toqqaassaaq. Pissutsinut naapertuuppat, Kalaallit Nunaanni Eqqaartuussiviup aalajangersinnaavaa nalilersuisartup, nalilersuisartutut akuersissutaa atorunnaaraluartoq, pigisanik nalunaarsuineq agguaassinerlu aallarteriigaq ingerlatiinnassagaa nangillugu.

Nalilersuisartup suliasai

§ 19. Nalilersuisartup pisariaqartitsineq malillugu aappariit ilitersussavai inatsisitigut inassisimanerannik ikiorlugillu apeqqutini pigisanik nalunaarsuinermi agguaassinermilu pisarialinni. Nalilersuisartup siunertarissavaa aappariit saqitsaassutaanni atuussinnaasunik akaareqatigiissumik naammassinninnissaq, suliami aningaasartuutit pigisat nalinginut nammaqatigiisillugit.

§ 20. Nalillersuisartuq aappariinnut ingerlaavartumik paasisitsisassaaq nalilersuinerup ingerlanerannik naammassiumaarnissaanillu.

Imm. 2. Nalilersuisartup aapparit ataatsimiigialaqusassavai, tamanna pisariaqaleraangat. Nalilersuisartup akuerisinnaavaa ataatsimiinnermi allat najuunnissaat.

Imm. 3. Nalillersuisartuq ataatsimiinnernit imaqarniliortassaaq aamma oqalunnikkut aappariinnit isummiutinik allanik. Ersersissaaq aappariit suut isumaqatigiisutigineraat isumaqatigiinngissutigineraallu.

Imm. 4. Isumaqatigiinngissutini nalilersuisartup kaammatuutigissavaa § 2, imm. 1 malillugu suliaassanngortitsineq. Suliaq suliaassiisutigineqanngippat, nalilersuisartup apeqqummut nammineq naliliinini nassuiaatigissavaa, taanna tunngaviussaaq suliaq suliareqqinnissaanut. Nalilersuisartup nuutamik suliaassanngortitsinissaq kaammatuutigissavaa, aappariit arlaat naliliinernut isumaqataannngippat.

Akit pillugit paasisutissiineq il. il.

§ 21. Nalilersuisartup ataatsimiinnermi siullermi, aamma allatigut periarfissaqartillugu, allaganngorlugu aappariit ilisimatissavai nalilersuisartup akissarsiassai qanoq naatsorsorneqartarnersut, aamma ajornangippat tamatumani ilisimatitsissutigineqassaaq aningaasartuutit qanoq annertugisinnaanerannut missiliut. Nalilersuisartup aamma paasititsissutigissavaa aningaasartuutissat allat ilimagineqarsinnaanersut suusinnaanerat.

Paasisutissat il. il.

§ 22. Nalilersuisartup qularnaassavaa paasisutissat ataatsimut pigisat agguarnissaanni pisariaqartut qanoq innersut. Aappariit arlaata kaammattorneqarnani paasisutissat nalunaarutiginnngippat, nalilersuisartup taakkua pisortanit namminersortuniillu pissarsiarisinnavai, tassunga ilagitillugit sillimmasiisarfiit aamma aningaaseriviit, soraarnerussutisianik sullissiviit aamma realkreditinik sullissiviit pissarsiaqarfigineqarsinnaapput. Aappaa-

soq paasissutissat pissarsiarinissaannut akerliuppat, nalilersuisartup Kalaallit Nunaanni Eqqartuussivik noqqaavigissavaa suliami aalajangeeqqullugu. Pisariaqarpat pinngitsaaliilluni periaatsit atussallugit nalilersuisartup Kalaallit Nunaanni Eqqartuussivik noqqaavigisinnaavaa suliami aalajangiinisamat.

Imm. 2. Nalilersuisartup Kalaallit Nunaanni Eqqartuussivik noqqaaviginnaavaa aappaq imaluunniit kinaluunniit alla ataatsimigiaqqullugu, Kalaallit Nunaannilu Eqqartuussivimmut suliamut tunngatillugu nassuiaateqaqqullugu.

Imm. 3. Nalilersuisartup pisariaqartitsineq naapertorlugu pigisat nalillit namminerlu aningaasaatit nalilersissinnaavai. Tassunga aappaasoq periaatsimut isumaqataanngippat, nalilersuisartup Kalaallit Nunaanni Eqqartuussivik noqqaavigisinnaavaa aalajangeeqqullugu.

Imm. 4. Nalilersuisartup suliamut paasisimasalimmik atuisinnaavoq. Aappaasup tamanna isumaqatiginngippagu, nalilersuisartup Kalaallit Nunaanni Eqqartuussivik noqqaavigisinnaavaa aalajangeeqqullugu.

Advokatissmik toqqaaneq

§ 23. Kalaallit Nunaanni Eqqartuussivik aappaasumit noqqaassuteqar-neq tunngavigalugu imaluunniit nalilersuisartumit innersuussut malillugu aappaasumut advokatissamik toqqaasinnaavoq, imaassimanngippat pineqartup advokatimit ikiorserneqarnera pigisat suliarinissaannut naapertuutinnitsoq. Advokatissamik toqqaaneq killilerneqarsinnaavoq suliamut aalajangersimasumut imaluunniit tiiminut aalajangersimasunut. Eqqartuussisarnermik inatsimmi kapitali 16-imi eqqartuussinermi pisinnaatitat pil-lugit malittarisassat assinganik atuupput.

Imm. 2. Aappaasup advokatissamik toqqaanermut aningaasartuutit naalagaaffiup karsianut taarsissavai, imaassimanngippat aappaasup eqqartuussisutigoortitsinini akuerisaanikkut aningaasartuutigissanngikkaa.

Pigisat suliarineranni pigisanut nalilinnut akiliigallar-neq

§ 24. Nalilersuisartup sapinngisamik piaarnerpaamik paasinarsisissavaa, aappariit arlaata imaluunniit tamarmik suliarinninnermi pigisanut nalilinnut akiliigallarniarnersut.

Pigisanik nalilinnik tunisineq

§ 25. Aappaariit pigisanik qularnaveeqqutitut sillimmasiussineq kissaa-tiginngippassuk, nalilersuisartup isumagissavaa taakkua tunineqassasut aappaariit soqutigisaat pitsaanerpaakkut salliutillugit.

Imm. 2. Aappaariit arlaat tamatumunnga isumaqataaangippat, nalilersuisartup Kalaallit Nunaanni Eqqartuussivik noqqaaffigissavaa aalajangeeqqullugu.

Imm. 3. Pigisanik akiitsukkanik pinngitsaaliisummik tuniniaaneq pis-saaq eqqaartuussisarneq pillugu inatsimmi malittarisat malillugit.

Siumoortumik akiliineq

§ 26. Nalilersuisartup aappaariit arlaannit noqqaassuteqarneq tunngavi-galugu innersuussutigisinnaavaa, aappaa akiliigallassasoq, imaappat isu-mannaatsumik tunngaveqartoq aappaariit arlaata pigisat nalillit nalilersorne-risa naammaasinerannut atatillugu akimik piumasaqarnissaa, aamma ili-mananngippat pigisanik nalilersuineq naammasseqqajaasoq.

Imm. 2. Aappaasoq isumaqataaangippat, imaluunniit pinngitsaaliisum-mik naammassinneq pisariaqassappat, nalilersuisartup Kalaallit Nunaan-ni Eqqartuussivik noqqaavigissavaa aalajangeeqqullugu.

Pigisat ilaannaannik naatsorsuineq

§ 27. Nalilersuisartuq missingiuusiorsinnaavoq pigisat ilai pillugit, i-maassimappat immikkut pisariaqartitsineqartoq tunngavissaqarluartoqar-torlu.

Imm. 2. §§ 28 aamma 29 aamma kapitali 4 atorneqassapput pisariaqar-tutigut sakkukillinertaqartumik.

Pigisat naatsorsornerannut missingiut

§ 28. Nalilersuisartuq pigisat naatsorsuutaannik missingiummik suli-aqassaaq. Pigisat agguarneqarnissaannut missingiut imaqassaaq agguaassi-nissami ataatsimut pingaarutillit pissutsit tamat pillugit aammalu agguaas-sinissap piviusunngortinnissaanut pingaaruteqartut pillugit, tassunga ilagi-tillugit

- 1) pigisanik nalilersuinerup ingerlasimaneranik nassuiaat,
- 2) aappaariit tamarmik immikkut pigisaannik nalilinnik aamma aningaa-sanik namminerisamik pigisanik, tassunga ilagitillugu taakkua naliler-sortinneri, aamma isertitarisimasinnaasat aningaasartuutigisimasin-naasallu tassunga attuumassutillit,

- 3) piumasagaatigisaasa nalunaarsornerat, tassunga ilagitillugit akissarsianut, akiliutigisimasanut taartinut, aamma taartisissutisiassanut piumasagaatinik nalunaarsuinerit,
- 4) pigisat nalillit aamma nammineq aningaasaatit taakkunungalu piumasagaatinik nalunaarsuinerit
- 5) nalilersuisartup akissarsiassaasa annertussusiannik innersuussut aamma
- 6) pigisanut aningaasartuutit agguarnerannut innersuussut, tak. § 42.

Imm. 2. Aappariit pigisat nalunaarsornerannut apeqqutit pingaarutillit pillugit isumaqatigiippata, isumaqatigiinneq taanna tunngavigineqassaaq. Taamaanngippat pigisanik nalilersuisartup nammineq nalilersuutini tunngavigissavai.

Imm. 3. Nalunaarsuineq ataatsimut pigisanuinnaq tunngappat, tamanna nalunaarsuinermi ersersinneqassaaq.

Aappariinnut saqqummiussineq

§ 29. Nalilersuisartup isumannaatsumik periaaseqarluni pigisat nalilinginik nalunaarsuummut missingiut § 28 malillugu Kalaallit Nunaanni Eqqartuussivimmuut aamma katinnikut aapparinnut saqqummiutissavaa.

Imm. 2. Katinnikut aappariit tamarmik immikkut pigisat nalunaarsuutaannut missingiutip tigueneraniit sapaatip akunnerinik 6-inik periarfissaqarlutik Kalaallit Nunaanni Eqqartuussivimmuut missingiummut akerliunertik allaganngorlugu nalunaarsinnaavaat, tassunga ilanngullugit nalilersuisup akissarsiassamisut aamma pigisanik agguaassinermut innersuussutitut missingiutai.

Pigisanik nalunaarsuineq agguaassinerlu unitsitaq

§ 30. Nalilersuisartup suliani, pigisat nalinginik nalunaarsuineq § 28-mi piumasagaatit naammassillugit naammassitinnagu, naammassisinnaasappagu, nalilersuisartoq missingiuusiussaaq annertunerpaartamigut katinnikut aappariit naamminneq nalunarsuummik nammassinnissinnaanngortillugit.

Imm. 2. Nalilersuisartup Kalaallit Nunaanni Eqqartuussivik paasisutisissavaa suliaq pigisanik nalunaarsuutip naammassinginnerani inarneqarsimanersoq, innersuutigalugillu akissarsiassami annertussusissaa aamma pigisanut aningasartuutit agguartaarneqarnerat.

Imm. 3. Aappariit tamarmiullutik immikkut nalunaarsuutip tigueneraniit sapaatip akunnerinik 6-inik periarfissaqarput nalilersuisartup akissarsiassai

aamma pigisanut aningaasartuutit agguartaarneqarnerannut innersuussutaa-
nut allaganngorlugu akerliunertik nalunaarutigissallugu.

Kapitali 4

Pigisat nalunaarsornerannik suliarinninneq

Missingiummut akerliliissutit

§ 31. Kalaallit Nunaata Eqqartuussiviata piffissaq eqqorlugu nalilersui-
sartup akissarsiassanut aamma pigisat agguataarneqarnerannut aningaasar-
tutitut akerliliissut tigusiappagu, tak. § 29, imm. 2, aamma § 30, imm. 3,
Kalaallit Nunaannut Eqqartuussivik aalajangiissaaq, tak. §§ 40 aamma 42.

Imm. 2. Kalaallit Nunaata Eqqartuussiviata allatigut piffissaq eqqorlugu
pigisat nalunaarsornerannut missingiut tigusiappagu, tak. § 29, imm. 2,
Kalaallit Nunaata Eqqartuussiviata kukkunerit, akerliliissummut aallaavi-
usut, naqqissinnaavai, imaassimangippat inatsiseqarnermi pissutsit tun-
ngavissaqartumik qulalersitsisut, imaluunniit nalilersuisartoq tama-
tumunnga tunngasumik noqqaavigalugu.

Imm. 3. Kalaallit Nunaani Eqqartuussiviup qaqtuguinnaq akerliliissut,
piffissalliissutit qaangiutereernerani tiguneqarsimasoq, suliarisinnaavaa,
kisianni pigisanik nalunaarsuinerup aalajangersarneqarnera sioqqullugu.

Suliasannngortitsinermut piffissaliussaq

§ 32. Piffissaq eqqorlugu pigisat agguataarneqarnerannut § 31, imm. 2
malillugu akerliissummik tigusiinnermi naqqiissummik kinguneqanngippat,
Kalaallit Nunaanni Eqqartuussiviup aappariit nalunaarfigissavai eqqartuus-
siviup nalunaarutaata tiguneqarnerata kingornakingusinnerpaamik sapaatit
akunnerinik 6-it qaangiutsinnagit suliasannngortitsineqassasoq § 2, imm. 1
malillugu, akerliliissut aalajangiusimaneqarpat.

Imm. 2. § 31, imm. 3 assinganik atuuppoq.

Nalilersuisartup akissarsiassaanik allannguinneq

§ 33. Kalaallit Nunaanni Eqqartuussiviup nalilersuisartup akissarsiai al-
lannguiffigisinnavai, akissarsiassat naleqqutinngitsumik annertussuseqar-
tutut nalilerneqarpat.

Kinguartitsineq aamma ilaannaatigut aalajangersaaneq

§ 34. Kalaallit Nunaanni Eqqartuussiviup pigisat nalunaarsornerinut nalilersuisup missingiutaanut isummerfiginninnissani kinguartissavaa isuma-qatigiinngissummik ataatsimik uteqattaartoqarpas § 2, imm. 1 malillugu.

Imm. 2. Kalaallit Nunaanni Eqqartuussiviup aalajangersassavai pigisat agguarnerisa ilaat, akerliuffigineqarsimanngitsut, tamanna nangaanartoqartinneqanngippat. Kalaallit Nunaanni Eqqartuussiviup aalajangersaanermini piumasarisinnaavaa, qularnaarneqassasut aappariit aappaata pigisat naggataasumik nalunaarsorneqarneranni piumasarisinnaasai. § 36, imm. 2 assinganik atuuppoq.

Missingiummut naqqiissutit

§ 35. Akerliliissutit saqqummiunneqartut inaarutaasumik aalajangiivigineqareerpata, Kalaallit Nunaanni Eqqartuussiviup pisariaqarpata pigisatnalunaarsornerannut missingiummi naqqiutit suliarissavai imaluunniit nalilersuisartoq noqqaavigalugu pigisat suliarinerat suliareqqeqqullugu.

Aalajangersaaneq

§ 36. Kalaallit Nunaanni Eqqartuussiviup suliamik ingerlatsinini inaasavaa pigisanik nalunaarsuineq aalajangersarlugu. Pigisanik nalunaarsuut aalajangersagaq pinngitsaaliissummik naammassisinneqassaaq eqqartuussisarnermik inatsimmi eqqartuussutini pinngitsaaliissummik nammassininneq pillugu malittarisassat naapertorlugit.

Kapitali 5

Aningaasartuutit

Pigisanut aningaasartuutininut qularnaveeqqusiineq

§ 37. Pineqartoq pigisanik nalilersuisartumut innersuussuteqarnissamut noqqaassuteqarsimasoq Kalaallit Nunaanni Eqqartuussiviup aalajangerneratigut pigisat suliarinerannut qularnaveeqqusiisuusaaq.

Imm. 2. Kalaallit Nunaanni Eqqartuussivik tamakkiisumik ilaannakortumilluunniit qularnaveeqqusiinngitsitsisinnaavoq, aappaasoq qularnaveeqqusiinngippat. Piumasaqaataavoq missingerneqassasoq taassuma pigisanit pisassanik piumasaqaataa aningaasartuutissanut matussutissatut naammannersoq.

Imm. 3. Qularnaveeqqut piumasarineqartoq tunniunneqanngippat, Kalaallit Nunaanni Eqqartuussiviup suliaq itigartissavaa.

Qularnaveeqqusiissummik qaffaaneq

§ 38. Nalilersuisartup Kalaallit Nunaanni Eqqartuussivik ilisimatitsis-saaq qularnaveeqqusiissummik qaffaanissaq pisariaqartinneqarpat, tak. § 37.

Suliap ingerlannerani alloriarnermik qularnaarineq

§ 39. Kalaallit Nunaanni Eqqartuussiviup aalajangersinnaavaa aappariit arlaat, suliap ingerlannerani noqqaassutigisaminut tunngasunut aningaasartuutitut qularnaarisuussasoq.

Imm. 2. Qularnaveeqqusiineqanngippat noqqaassut maanngaannartutut isigineqassaaq.

Pigisanik nalilersuisup akissarsiassai

§ 40. Nalilersuisartuq suliaminut akissarsianik tulluutinningsutut nalilerneqartunik qaffasissusilinnik piumasaqaateqarsinnaanngilaq.

Imm. 2. Aappariinni aappaasoq nammineq aningaasartuutiginagu eqqartuussivikkut suliaqartitsippat, aappaasup nalilersuisartup akissarsiaanut tunngatillugu annertunerpaamik tiimit amerlassusissaattut Naalagaaffiup Sinniisuata aalajangigai malissavai. Eqqartuussisarnermik inatsimmi § 261, imm. 3, 1. imm. assinganik atuuppoq.

Akissarsiat siumuukkat

§ 41. Nalilersuisartumut akissarsiat siumoorlugit akiliutigineqarsinnaapput Kalaallit Nunaanni Eqqartuussiviup akuersineratigut, tunngavissat immikkut ittut, taakkununnga ilagitillugit pigisat qanoq issusiat imaluunniit suliarinninnerup sivissusisia naapertorlugu.

Pigisanut aningasartuutit agguataarneqarnerat

§ 42. Pigisanut aningaasartuutit, tassunga ilagitillugit akissarsiat, aappariit akornanni naligiimmik agguartaarneqassapput. Aappaasoq illersorneqarsinnaanngitsumik pissuseqarluni aningaasartuutit annersaat tunniussimappagit, Kalaallit Nunaanni Eqqartuussiviup pineqartoq pisussaatissavaa aningaasartuutitut annerusunut isumaginnittussatut.

Advokatimut aningaasartuutit

§ 43. Kalaallit Nunaanni Eqqartuussiviup noqqaassuteqartoqarneratigut aappaasoq peqqusinnavaa aappaasup advokatimit ikiorserneqarneranut aningaasartuutitut taarsiinissamik, immikkut ittumik tunngaviusunut tamanna naapertuuppat. Eqqartuussisaatsimi inatsisit kapitali 16-imiittut naapertorlugit eqqartuussinermi nammineq sinnerluni pisinnaatitap najuussinnaanera uani aamma atuuppoq.

Akiliisussatut pisussaaneq

§ 44. Aappaasoq, aappaarisaanut naalagaaffiup karsiata piunasaqaataanut tunngatillugu pigisanik nalunaarsuinermit agguaassinermullu tunngasuni tapiissutitut akiliisussaavoq.

Imm. 2. Aappasumut aningaasatigut naliusoq naapertorlugu ilanngaatigineqarsinnaapput aappami pillaatitut akiligassai uninngatiinnarsimasaalu.

Kapitali 6

Pigisanik nalilersuisartunut malittarisassat

Nalilersuisartut akuerisaaneq aamma suliarinninneq

§ 45. Justitministerip pigisanik suliarinnittartut akuerisassavai advokatit naleqquttumik amerlassusillit, aappariit pigisaannik kingornussassanilluunniit il. il. nalunaarsuinermit agguaassinermillu suliami pisussaasut.

Imm. 2. Justitsministerip nalilersuisartut akuerineqarnissaannut malittarisassat aalajangersarsinnaavai, tassunga ilagitillugit piffissami killilikami akuersissutit, taakkua sulinerannut akissarsiaannullu aamma eqqartuussiviup nakkutilliineranut malittarisassat. Najoqqutassani, 1. imm. malillugu suliarineqartussani pineqaatissiineq aalajangersarneqarsinnaavoq najoqqutassanik unioqqutitsinermit akiliisitaanikkut. Ingerlatsiviit il. il. (inatsisitigut pisinnaatitaasunut pisussaataasunullu) pinerluttulerinermit inatsimmi kapitali 5-imi malittarisassat naapertorlugit naalakkiussinermut akisussaatinneqarsinnaapput.

Attuumavallaarnikkut akooqusaannginneq

§ 46. Nalilersuisartutut suliaqaqqusaanngillat pineqartut arlaannut attuumassuteqarpallaarunik imaluunniit pineqartumut tunaartaqarpallaarunik, imaluunniit pineqartup suliap inernerani soqutigisaanut imaluunniit tunngavissani allani pineqartumut nakerisarsunnginnissaanut qularutigineqarsinnaagunik.

Imm. 2. Nalilersuisartuq pigisani pigisanik nalillit ilaannik pissarseqqusaanngilaq. Taamaapportaaq nalilersuisartumut attuumavaallaartoq imaluunniit taassuma ingerlatsiviani atorfeqartoq.

Pigisanik nalilersuisartumik nakkutiginninneq

§ 47. Kalaallit Nunaanni Eqqartuussiviup pigisanik nalilersuisartuq noqqaavigisinnaavaa pigisanik nalunaarsuinerup ingerlanneranut pillugu paasissutisseeqqullugu. Pissutsit pisariaqartippasuk, Kalaallit Nunaanni Eqqartuussiviup peqqusinnaavaa pigisanik nalilersuinerup ingerlannerani nalunaarutunik tunniusseeqqullugu aamma pigisat suliarinerat siuarsarniarlugu pisariaqartumik iliuuseqaqqullugu.

Imm. 2. Pigisanik nalilersuisartup suliaq tigungeraniit ukiup 1-ip kingorna naammassisimangippagu, pigisanik nalilersuisartup Kalaallit Nunaanni Eqqartuussivik paasissutisissavaa pigisanik nalunaarsuinerup ingerlanneranut pillugu aamma suliaq qaqugu naammassineqarumaarneranut tunngatillugu.

Toqqagaanermik utertitsineq

§ 48. Pigisanik nalunaarsuisartup suliaminik aallussinera illersorneqarsinnaanngippat, Kalaallit Nunaanni Eqqartuussiviup toqqaasimaneq utertissavaa nalunaarsuisartumillu nutaamik toqqaalluni.

Pigisanik nalunaarsuisartut pillugit maalaaruteqarneq

§ 49. Pigisanik nalunaarsuisartup suliarinninneranik maalaarut, tassunga ilagitillugu taassuma suliarinninneq naammattumik siuarsanngikkaa, Kalaallit Nunaanni Eqqartuussivimmut allakkatigut nalunaarutigineqassaaq, tassani tamatumunnga tunngasumik aalajangiisoqassammat.

Kapitali 7

Ataatsimut pigisat agguarneqarnissaat pillugu malittarisassat

Nalunaarsuinermut tunngaviusoq

§ 50. Ataatsimut pigisani pigisanik nalunaarsuinermut tunngaviupput pigisat nalillit aamma aningaasat namminerisat atuukkunnaarfimmi pigisanut ilaasut, tak. § 51

Pigisat ataatsimoorunnerata atorunnaarnera (ulloq atorunnaarfiusoq)

§ 51. Averusernermi avivinnermilu pisuussutit ataatsimoorussat atorunnaartarput ullormi unnuangorneraniit averusernissamik imaluunniit avivinnissamik Naalagaaffiup Sinniisuanut imaluunniit najukkami eqqartuussivimmut noqqaassutip tunniunneqarfianiit.

Imm. 2. Pigisat immikkuulerneratigut pisuussutinik ataatsimoorussineq atorunnaartarpoq ullormi unnuangorneraniit pigisat immikkuulernissaninik qinnuteqaatip najukkami eqqartuussivimmut tunniunneqarfianiit.

Imm. 3. Aappariinnerup atorunnaarnerani pisuussutinik ataatsimoorussineq atorunnaartarpoq ullormi unnuangorneraniit atorunnaarsitsinermik suliap suliassanngortinneqarfiani.

Imm. 4. Aappariit pigisat kingornussassallu nalunaarsorneqarneranni agguanneqarnerannilu isumaqatigiissutigisinnaavaat pisuussutinik ataatsimoorussineq isigineqassanersoq atorunnaartutut piffissami imm. 1-imiit 3-mut malinneqartumit allaanerussanersoq.

Imm. 5. Pissutsit piviusut immikkut ittut atuuppata, Kalaallit Nunaanni Eqqartuussiviup nalilersuisartumit innersuussut malillugu aalajangersinnaavaa pisuussutinik ataatsimoorussineq atorunnaassasoq piffissami imm. 1-imiit 3-mut allaanerusumi.

Piffissaq nalilersuiffiusoq

§ 52. Pigisat nalillit aamma aningaasat namminerisat pigisat agguarneqarneranni piffissami qularnaveeqqutitut sillimmasiussinermi ilaapput imaluunniit pigisanik kingornussassanillunniit nalunaarsuinerup agguassinerullu inaarnerani ilaapput, qularnaveeqqutitut sillimmasiussineq pisiman-ngippat tamanna sioqqullugu.

Ataatsimoorullugit pigisanik naatsorsuineq

§ 53. Aappariit tamarmik immikkut pigisaat naatsorsorneqassapput. Aappaasoq aamma immikkut pigisaqarpat, taakkua pigisanik kingornussassanillunniit nalunaarsuinermut agguassinermullu ilanngutissapput, tamanna pisariaqarpat, aappariinnerup inatsisitigut sunniutai pillugit inatsisip Kalaallit Nunaanni atuutilersinneqarneranik inatsit nr. 150, 31. marts 1993-imeersumi § 67 malillugu imaluunniit § 23 malillugu.

Imm. 2. Pigisat immikkortuisa naatsorsorneranni piumasaqaatit ilanngullugit naatsorsorneqassanngillat, aappariilertarneq aappariigunnaar-tarnerlu pillugit inatsisip Kalaallit Nunaanni atuutilersinneqarnissaanik peq-qussut nr. 307, 14. maj 1993-imeersumi § 67 imaluunniit § 24 malillugit. Akilersuutinik akilerfissaat qaangiutereersunik akiliinissamut piumasaqaa-tit aappariit pigisaattut naatsorsuunneqassanngillat.

Pigisanik kingornussanilluunniit nalunaarsuinerup agguaassinerullu na-laani atuisinnaaneq

§ 54. Aappariit pigisanik kingornussanilluunniit nalunaarsuinerup aggu-aassinerullu nalaani tigummissavaat namminneq pigisatik nalillit.

Imm. 2. Kalaallit Nunaanni Eqqartuussiviup aapparisaq arsaarsinnavaa pigisanik nalilinnik, tamakkiisumik ilaannakortumilluunniit ataatsimut pigi-saasunik, aarlerinarpat aapparisaq assuarnartumik aapparisaminut ajoqusi-iniaratarsinnaasoq.

Imm. 3. Kalaallit Nunaanni Eqqartuussiviup aapparisaq atuisinnaanermik arsaarpagu, Kalaallit Nunaanni Eqqartuussiviup aalajangissavaa, pigi-sat nalillit atuisinnaanermik arsaarinninnerup nalaani qanoq suliarineqas-sanersut.

Imm. 4. Eqqartuussivimmit atuisinnaanermik arsaarinninnerit pigisanut aalaakkaasunut, pigisanullu nuunneqarsinnaasunut qularnaveeqqutaanngit-sunut pisinnaatitaanerit nalunaarsorneqarnissaannut Kalaallit Nunaannut malittarisassaq juunip 20-anni 1968-imeersumi malittarisassat malillugit nalunaarneqassapput.

Akiitsut

§ 55. Pigisanik kingornussanilluunniit nalunaarsuinerup agguaas-sinerullu annikillisippaa pissarsiassanik pigisallit pisinnaatitaaffimminnik malinninnissaat pigisanik kingornussanilluunnnit nalunaarsuinerup aggu-aassinerullu pisimanngineraninngarnit.

§ 56. Akiitsukkanik peqarpat aappariit akiliisussatut pisussaaffigisaan-nik, taakkua tamarmik immikkut piumasarisinnaavaat aappaasup akiitsut ilaat akilissagai, inaarutaasumik nammatassamisut, imaluunniit akiliinis-samut qularnaarinikkut.

§ 57. Aappariit arlaat aapparisaminut piumasaqarpat § 53, imm. 2-mi pineqartunik, aappaasup pigisanik kingornussanillunnit nalunaarsuiner-mi agguaassinermilu piumasarisinnaavaa pigisani aappami pissaanit matus-suserneqassasut.

Naligiimmik agguaaneq

§ 58. § 53 malillugu aappaasup pisassaani naatsorsuinerup takutippagu sinneqartooruteqartoq, taanna sinneqartoorut naligiimmik aappariinnit avinneqassaaq, imaassimangippat inatsimmi tamatumani allatut kinguneqartoq imaluunniit aappariilersarneq pillugu inatsimmi malittarisassat malinneqartut.

Imm. 2. Aappaasup pissarsiassaminik siumoorutininik aapprisap pigisaanik tigusisarnernini akiitsuinut akisussaasuunngilaq. Aappaasoq tigusaminik pisasaqartuusumut utertitsinissamut pisussaaffeqarpat, akiliisinaajunnaartarneq pillugu inatsimmi atorunnaarsitsisarnernumut malittarisassat malillugit aalajangiineqassaaq.

Nammineq atugassanut atortut

§ 59. Aappariit tamarmik immikkut pisinnaatitaapput atortut ilaannik tigusissallutik, taamaallaat taassuma nammineq atugassaanik, nalingat aappariit ataatsimoorullug pisuussuteqarnerannut tamanna innarliinngippat.

Imm. 2. Atortut meeqqat atugassaattut pissarsiarineqarsimasut aappaasumit qitornanit najugaqarfigineqaartumit siumoortumik tiguineqarsinnaapput.

Aappariinnermik atorunnaarsitsineq

§ 60. Aappariinnerup atorunnaarsineqarnerani aappariit tamarmik immikkut siusinaarlutik ataatsimut pigisanik tigusisinnaapput, aappariilernermini pissarsiarisimasaminnik imaluunniit kingusinnerusukkut kingornussinikkut tunissutitullunniit pissarsiarisimasaminnik, immikkut pigisanit ataatsimut pigisanut nuussimasaminnik. Ataatsimut pisuussutit amigarpata annikillilerisoqassaaq.

Aappariinneq sivikitsaq

§ 61. Aappaasup ataatsimut pigisat annertunerpaartaat, § 60-imi allaqqaneratuut, nammineq pissarsiarisimappagit, naligiimmik agguaaneq malunnartumik naleqquttuussanngilaq, pingaartumik pissutigalugu aappariinneq sivikitsuusimammat aamma aningaasatigut ataatsimoorussineq pingaa-ruteqarani, averusernermik, avivinnermik imaluunniit pigisanik immik-

koortiterinermik noqaassuteqarnikkut aalajangiunneqarsinnaavoq, pigisanik kingornussanillu nalunaarsuinermi agguassinermilu pigisanik agguassineqassasoq § 60 malillugu tungavissaqarpat.

Pigisat il. il.

§ 62. Aappaasup pigisani namminermut tuttussani pisattanik aamma pisattanik nuunneqarsinnaasunik angerlarsimaffiup atatiinnarnissaanut pisariaqartunik, pineqartorlu taamatut pissarsisinnaanngippat, noqqaasoqarneratigut aalajangerneqassaaq pigisat annerusut aappaasumut pineqartumut inissinneqassasut.

Naliliinerup kingorna pigisanut akiliussigallarneq

§ 63. Pigisat agguarneranni apparit tamarmik immikkut pisinnaatitaapput pigisat immikkoortui qularnaveqqutitut nalilersinneqarnissaannut.

Imm. 2. Apparit pigisaaq qularnaveeqqusiussimappassuk, aappaasoq pigisamik piginnittoq salliusussaavoq. Tamatumali kingorna immikkut pisut makkua atuupput:

- 1) Illuutigisaaq taamaallaat imaluunnit annerusumik ilaqutariit najugassaattut naatsorsuussaaq, aappaasumut qularnaveeqqutigineqarsinnaavoq, najugaaq taanna naatsorsuutigineqarpat angerlarsimaffik atatiinnarniarlugu aappaasumut taassumunnga pingaaruteqarnerusoq.
- 2) Illuutigisaaq ilaqutariinnut aasarsiortarfittut atorsimasaq aappaasumut qularnaveeqqutigineqarsinnaavoq, aasarsiortarfik naatsorsuutigineqarpat taassumunnga pingaaruteqarnerpaajusoq.
- 3) Inuussutissarsiutitut ingerlatsivik aappaasumut qularnaveeqqutigineqarsinnaavoq, ingerlatsivik taassuminngaannavik imaluunniit anertunerpaamik tassumunnga ingerlanneqarpat.
- 4) Sulinermut sakkut allallu inuussutissarsiummi nuunneqarsinnaasut aappaasumut qularnaveeqqutigineqarsinnaapput, pineqartoq inuussutissarsiutiminik ingerlatsisinnaaqullugu.
- 5) Pequtit nuunneqarsinnaasullu allat ataatsimut angerlarsimaffimmut atasimasut, aappaasumut qularnaveeqqutigineqarsinnaapput, najugarisap attatiinnarneqarnissaa pillugu imaluunniit pigisat pingaaruteqartumik pineqartup pisariaqartitarisimappagit.

Imm. 3. Imm. 1 aamma 2 malillugit qularnaveeqqusiineqanngippat pigisat arsaarinnissutigineqassapput, tak. § 25.

Pigisanit pisassanik qularnaveeqqusiineq

§ 64. Pigisanik nalilinnik qularnaveeqqusiineq pisinnaavoq naak katinikkut aappaasup pigisaasa nalinginut qaangiigaluarpalluunniit. Aningaasat sinneruttut aningaasangorlugit aappaasumut akilerneqassapput. Kalaallit Nunaanni Eqqartuussiviup pisuni immikkut ittuni naafferartumik akilersuineq pitissinnaavaa tamatumunngalu piumasarisat aalajangersarlugit.

Kapitali 8

Kingornussanik nammineerluni agguaanermi ikiorsiineq

§ 65. Aappaasup ataatsimoorullugit pigisanit imaluunniit immikkut pigisanit pigisanik nalilinnik pigisaqaqatigiinnermit kingornussanik nammineerluni agguaassinermi atitillugu Kalaallit Nunaanni Eqqartuussivimmit suliap paasisimasassartaat pillugit ikiorseqqusinnaavoq, tassunga ilagittillugit

- 1) illuatungerisat aamma kinaluunniit ataatsimeeqatiginissaanik peqqullugu aamma Kalaallit Nunaanni Eqqartuussivimmut nassuiaateqaqqullugu allakkianillu saqqummiusseqqullugu aamma
- 2) suliamik paasisimasalik avammut nalunaaruteqaqqullugu naliliinissamik, tak. §§ 74-imiit 77-imut.

Imm. 2. Kalaallit Nunaanni Eqqartuussiviup imm. 1, nr. 1 malillugu noqqaassut itigartissinnaavaa, ikiorsiinissaq ima annertutigippat imaluunniit ima pissuseqarpat pigisanut tunngasoq suliarineqartariaqartut § 1 malillugu.

§ 66. Isumaqatigiingissutinut ataasiakkaanut, aappariit ataatsimorussamik pigisaannik kingornussanik naammineerluni agguaassinermut imaluunniit immikkut pigisanik nalilinnik pigisaqaqatigiinnermut tunngasut, tak. § 2, imm. 1, siusinnerpaamik suliareqqinneqarsinnaapput Kalaallit Nunaanni Naalagaaffiup Sinniisuanut imaluunniit najukkami eqqartuussivimmut averusernissamik imaluunniit avivinnissamik noqqaassumik tuniussisoqareerpat, pigisat immikkortinnissaannik peqqussut nalunaarutigineqareerpat imaluunniit aapparinnerup atorunnaarsinnissaanut suliaq aallartereerpat.

Imm. 2. Kalaallit Nunaanni Eqqartuussiviup isumaqatigiinngissummut suliaq ataaseq itigartissinnaavaa, annertussutsimigut pissutsimigullu pigisanik kingornussanilluunniit nalunaarsuineri agguaassinermilu § 1 malillugu suliarisariaappat.

Kapitali 9

Immikkut pigisanik taarsiissutisineq

§ 67. Aappaasoq immikkut pigisanik peqarsimaguni, pisinnaavoq aappariittut pisuussutimi pissusii, aappariinnerup sivissusua aamma pissutsit

allatigut immikkut tapertaappata, aappaasup aalajangiullugit oqaatigisai malillugit aalajangersaaneqarsinnaavoq, aappaasoq aapparminut akiliummik tunniussaqaassasoq, qularnaarniarlugu aappaasoq averusernerup imaluunniit avivinnerup kingorna aningaasaqarnikkut tulluannigsumik appassissumik inissinnginnissaa. Malittarisaq taanna atussaaq aamma pisinaati-taaffinnut nunneqarsinnaanngitsunut imaluunniit allatigut inuttut tunngasuteqanngitsuni, aamma pigisanik agguaanermut tunngasuteqanngitsuni.

Imm. 2. Imm. 1 malillugu piunasaqaatit siusinnerpaamik suliarineqarsinnaapput, Kalaallit Nunaanni Naalagaaffiup Siniisuanut najukkami eqqartuussivimmuut averusernissamik avivinnissamilluunnit noqqaassummik tunniussisoqareerpat.

Imm. 3. Imm. 1 malillugu piunasaqaat atuutsinneqarsinnaanngilaq, aappariit ataatsimut pigisaannik imaluunniit immikkut nalilinnik pigisanik kingornussanilluunnit nalunaarsuineq agguassinerlu inaarneqarsimanngippat pigisat nalunaarsuutaannik aalajangersaanikkut, taamaattoq tak. § 78.

Kapitali 10

Sulianik ingerlatsinermut malittarisassat

Tamanut ammasuuneq

§ 68. Inatsit manna malillugu eqqartuussinerit matoqqasumik ingerlanneqartarput.

Imm. 2. Eqqartuussutip inerneranik aalajangikkanillu ammasumik oqaatiginninnermi inuit aalajangiinnermi pineqartut aqqinik, atorfiinik imaluunniit najugaannik tamanut nalunaarutiginnittoqassangilaq, imaluunniit pineqartup kinaassusianik nalunaaruteqartoqassanani. Inerteqqummik taaneqartumik unioqqutitsineq eqqartuussinikkut pineqaatissiissutigineqassaaq Kalaallit Nunaanni pinerluttulerinnermi inatsit malillugu. Ingerlatseqatigiiffiit il. il. (inatsisitigut pisinnatitaasut pisussaataitaasullu) peqquneqarput pinerluttulerinnermi inatsisitigut pinerluttulerinnermi inatsisip kapitali 5-iani malittarisassanik akisussaasuunissamut.

Nalunaarasuartaatikkut attaveqarnikkut ataatsimiinermut peqataaneq

§ 69. Kalaallit Nunaani Eqqartuussiviup akuerisinnaavaa peqataasoq imaluunniit eqqartuussinnermi nammineq sinnerluni pisinnaatitaq eqqartuussinnermi nalunaarasuartaatikkut attaveqarnikkut najuutissasoq, imaassimanngippat taamatut najuussinnaaneq naleqqutinngitsoq.

Digitalimik attaveqatigiinneq

§ 70. Allassimanissamik imaluunniit atsiornissamik piunasaqaatit akornutaassanngillat Kalaallit Nunaani Eqqartuussivimmut nalunaarutit digitalimik attaveqatigiinnikkut nassiunneqarpata. Nalunaarut digitalimik atsiornermik pilersugaassaaq.

Imm. 2. Eqqartuussivinnut pisortaqaarfiup Kalaallit Nunaanni Eqqartuussivimmut digitalimik attaveqatigiinnermut malittarisassat erseqqinnerusut aalajangersarsinnaavai, tassunga ilanngullugu digitalimik atsiornermik atuineq.

Imm. 3. Digitalimik nalunaarut isigineqarsinnaavoq saqqumersimasutut, Kalaallit Nunaanni Eqqartuussivimmi takuneqarsinnaalersinnaaguni.

Imm. 4. Digitalimik nalunaarut digitalimik atsiornermik pilersugaanngippat imaluunniit allanik kukkunertaqarpata eqqartuussiviup suliamik suliarinnineranut naleqqutinngitsunik, Kalaallit Nunaanni Eqqartuussiviup nalunaarut itigartissinnaavaa imaluunniit kukkussutip iluarsinissaanut piffissaliussamik aalajangersaasinnaavoq. Noqqaassuteqarnikkut aalajangernermi tunngaveqartumik itigartitsisoqarsinnaavoq.

§ 71. Kalaallit Nunaanni Eqqartuussiviup eqqartuussivimmit nalunaarutitut digitalimik attaveqatigiissut atorsinnaavaat, tiguisusaaq taamatut iliorluni nalunarutitut tiguisinnaalluni akuersippat. Akuersineq tunngatinneqarsinnaavoq suliamut ataatsimut imaluunniit arlariinnut. Nalunaarutit paasissutissanik allanut oqaatigeqqusaanngitsunik imallit paasiuminaallinneqassapput imaluunniit allatigut naammaginartumik isumannarunnaarsinneqassallutik.

Pinngitsaaliilluni iliuutsit

§ 72. Kalaallit Nunaanni Eqqartuussiviup noqqaassuteqarneratigut pineqartoq ataatsimiinissamut peqataaqullugu peqqusinnaavaa, saqqummiuseqqullugu eqqartuussisarnermik inatsimmi ilisimannittut pisussaaffii malillugit aamma pingajuusumut aaqqissuisuunissamut piunasaqaat malillugu.

Pigisanik nalilinnik atuisinnaaneq

§ 73. Kalaallit Nunaanni Eqqartuussiviup noqqaassuteqarnikkut pigisanik nalilersuisartoq periarfissinnaavaa pigisat nalillit, pineqartumit tigummineqartut misissussagai imaluunniit paasisimasqaartutut nalilissagai. Eqqartuussisarnermik inatsimmi §§ 632-miit 633-mut assinganik ator-neqassapput.

Paasisimasalittut naliliineq

§ 74. Kalallit Nunaanni Eqqartuussiviup noqqaassuteqarnikkut aalajangersinnaavaa, pigisat nalillit namminerluunniit aningaasaatit pigisaniittut niuffatigissagaanni naligisassaat ilisimasalimmut naatsorsortissallugit.

Imm. 2. Kalaallit Nunaanni Eqqartuussiviup noqqaassuteqarnikkut nalunaarutigissavaa, ilisimasalik ataaseq arlallilluunniit naliliisinneqarnissaat.

Imm. 3. Kalaallit Nunaanni Eqqartuussisivik noqqaassuteqarnikkut ataatsimiinnermut aggersaasinnaavoq ilisimasallip naliliinnermut apeqqtunut akissuteqartinniarlugu.

§ 75. Kalaallit Nunaanni Eqqartuussivik qularnaveeqqutitut sillimasiusinermut atugassat pillugit imaluunniit pigisat inaarnissaannut atugassat pillugit noqqaassuteqarnikkut, ilisimasalimmit ataatsimit arlalinnilluunniit nalunaarummik pissarsisinnaavoq, pigisat nalillit imaluunnit nammineq aningaasaatit siornatigut naliliinnermit niuffatigissagaanni nalingi qanoq nikingatigineri pineqartillugit.

§ 76. Kalaallit Nunaanni Eqqartuussivik noqqaassuteqarnikkut aalajangiisinnaavoq nutaamik naliliineqassasoq, imaassimappat

- 1) naliliinerup suliarinerani kukkusoqarsimasoq nalillinermi inernerusumut sunnuteqartumik,
- 2) naliliineq allatigut ernumanangitsumik ingerlanneqarsimangitsoq imaluunniit
- 3) pigisat nalillit aamma nammineq aningaasaatit niuffatigissagaanni nalilersuinermi inernerusumit pingaarutilimmik nalimikkut nikingasutut isumaqarfigineqartut.

§ 77. Kalaallit Nunaanni Eqqartuussiviup piumasarisinnaavaa nalunaarutigalugu aningaasartuutunut qularnaveeqqusiisoqarnissaa.

Imm. 2. Kalaallit Nunaanni Eqqartuussiviup pisariaqarpat ilisimasalimmut akiliutissat aalajangersartissavai.

Suliareqqitassanngortitsineq

§ 78. Kalaallit Nunaanni Eqqartuussiviup noqqaassuteqarnikkut pigisat pigisanik nalunaarsuinikkut aalajangersarneri inaarsimasut suliareqqitas-sannngortissinnaavai, pisariaqarsorineqarpat, pingaartumik pissutigalugit

- 1) pigisat nalillit aamma nammineq aningaasaatit allat saqqummersi-mammata,
- 2) annertuutigut pigisat suliarineqarneranni kukkussuteqartoqarsimam-mat imaluunniit
- 3) allatigut pigisat suliarineqarneranni paaasissutissanik nutaanik peqarmat annertuumik pingaarutilinnik.

Aalajangeqqitassannngortitsineq

§ 79. Aalajangikkat Kalaallit Nunaanni Eqqartuussiviup aalajangersagai aalajangeqqitassannngortinneqarsinnaapput eqqartuussisanermik inatsimmi kapitali 43-mi saqitsaannermi aalajangeqqitassannngortitsineranut malittari-sassat naapertorlugit.

Kapitali 11

Nunani allani aalajangikkanik akuersineq naammassinninnerlu

§ 80. Justitsministerip aalajangersarsinnaavai aalajangersakkat, taakkua aqputigalugit nunat allat eqqartuussiviini pisorta qarfiinilu aappariit ataatsi-moorlutik pigisaannik pigisanilluunniit allanik inatsimmut matumunnga ilaasunik agguaassisarnek unioqqutitsinertaqanngitsumik Kalaallit Nunaan- nilu naammassineqarsinnasumik, naalagaaffimmi sunniutinik taama ittunik aalajangiiffiusumi, aamma akuersineq naammassinninnerlu danskit inatsi-seqartitsinerannut ilanngunneqarsinnaanngippat.

Kapitali 12

Inatsisini allani allannguutit

§ 81. (Kalaallit Nunaanni atuutissanngilaq).

§ 82. Aappariilertarnek aappariigunnaartarnerlu pillugit inatsisip Ka-laallit Nunaannut atuutilersinneqarneranut peqqussut nr. 307, 14. maj 1993-imeersumut makkua allanguutaapput:

§ 23 aamma § 25, imm. 1 aamma 2 allanngortinneqassaaq »Kalaallit Nunaanni aappariinnerup inatsisitigut sunniutai § 54« imaalerluni: »§ 60 aappariit pigisaasa agguarnerat il. il. pillugit inatsit, Kalaallit Nunaannut Kunngip peqqussutaatigut nr. [x]-kkut [x]-mi atuutilersinneqartoq«

1. § 34, *imm. 2, 1. imm.*-mi »46-mit 48-mut« allanngussaaq imaalilluni:
»46 aamma 47«.

2. § 48 atuukkunnaarpoq.

§ 83. (Kalaallit Nunaanni atuutissanngilaq)

§ 84. (Kalaallit Nunaanni atuutissanngilaq)

§ 85. (Kalaallit Nunaanni atuutissanngilaq).

Kapitali 13

Atortussanngortinnerani ikaarsariarnermilu aalajangersakkat il. il.

§ 86. Peqqussut atuutilissaaq [ulloq]. Taamaattoq §§ 70 aamma 71
atuutilissapput justitsministerip erseqqinnerusumik aalajangersaaneratigut.

Imm. 2. (Kalaallit Nunaanni atuutissanngilaq).

§ 87. Suliat inatsisip suli atuutilersinneqannginnerani eqqartuussivimmut apuunneqarsimasut, inaarlugit suliarineqassapput maannamut malittarisassat naapertorlugit.

Imm. 2. Naalagaaffiup Sinnisuanut imaluunniit najukkami eqqartuussivimmut averusernissamut avivinnissamulluunniit noqqaassummik apuussisoqarsimappat imaluunniit aappariinnerup atorunnaarsinneqarnissaanut suliassanngortitsisoqarsimappat, peqqussutip uuma atuutilinnginnerani, taarsiullugit aappariilertarneq aappariikkunnaartarnerlu pillugit inatsisip Kalaallit Nunaanni atuutilersinneqarneranik peqqussut nr. 307, 14. maj 1993-imeersumi §§ 50, 51 aamma 67-imut, aamma § 34, imm. 2-mut maannamut malittarisassat allaqqanerattut atussapput.

§ 88. (Kalaallit Nunaanni atuutissanngilaq)

§ 89. Peqqussutit inatsit malillugu atuutsinneqartut Kalaallit Nunaanni atuutsinneqanngillat.

¹Aalajangersagaq imatut oqaasertaqarpoq: “Inatsit Savalimmiunut Kalaallit Nunaannullu atuutinngilaq kisianni, §§ 81 aamma 85 minillugit, kunngip peqqussutaatigut Savalimmiunut aamma Kalaallit Nunaannut atuutsinneqalersinnaavoq allannguuteqartillugu Savalimmiuni Kalaallit Nunaannilu pissutsinut naapertuuttunik.”